

অনুদানের বিজ্ঞপ্তি

যুব ও ক্রীড়া মন্ত্রণালয়ের যুবকল্যাণ তহবিল থেকে যুব সংগঠনসমূহকে আত্মকর্মসংস্থানমূলক প্রকল্প/কর্মসূচি বাস্তবায়নের লক্ষ্যে চলতি ২০২৩-২০২৪ অর্থবছরের জন্য অনুদান প্রদানের নিমিত্ত নিয়োক্ত নীতিমালা/শর্তাবলী অনুযায়ী অনলাইনের মাধ্যমে দরখাস্ত আহ্বান করা যাচ্ছে :

১. আবেদনকারী যুব সংগঠনসমূহকে আবশ্যিকভাবে (Mandatory) দেশের বিদ্যমান আইন অনুযায়ী রেজিস্ট্রেশন/নিবন্ধনভুক্ত হতে হবে।
২. যুবকল্যাণ তহবিল হতে অনুদান প্রদানের ক্ষেত্রে যুব উন্নয়ন অধিদপ্তরের স্বীকৃতিপ্রাপ্ত/নিবন্ধিত যুব সংগঠনকে অগ্রাধিকার দেয়া হবে।
৩. উপানুষ্ঠানিক শিক্ষা, ধাত্রীবিদ্যা, ঋণ কর্মসূচি ইত্যাদি সম্পর্কিত কার্যক্রম অনুদান প্রদানের ক্ষেত্রে বিবেচনা করা হবে না।
৪. প্রস্তাবিত প্রকল্প/কর্মসূচি/কার্যক্রম বাস্তবায়নের জন্য সম্ভাব্য মোট ব্যয়ের কমপক্ষে শতকরা ২০ (বিশ) ভাগ অর্থ সংগঠনের নিজস্ব তহবিল থেকে বহন করতে হবে।
৫. তৃতীয়লিঙ্গ/বিশেষ চাহিদাসম্পন্নদের দ্বারা পরিচালিত যুব সংগঠনকে অনুদান প্রদানের ক্ষেত্রে অগ্রাধিকার দেয়া হবে।
৬. আবেদনপত্রের নির্ধারিত ফরম যথাযথভাবে পূরণপূর্বক দাখিলকৃত তথ্যাদির সমর্থনে প্রমাণক আপলোড করতে হবে।
৭. বিবেচ্য অর্থবছরের পূর্ববর্তী তিন অর্থবছর (২০২০-২০২১, ২০২১-২০২২ ও ২০২২-২০২৩) যেসব যুব সংগঠন অনুদান পেয়েছে তাদের আবেদন যোগ্য হিসেবে বিবেচিত হবে না।
৮. যেসব যুব সংগঠন বা এনজিও প্রতিষ্ঠান ব্যক্তি ঋণ কার্যক্রমের সাথে সম্পৃক্ত বা এ বিষয়ে বেসরকারী প্রতিষ্ঠানের সাথে ঋণ কার্যক্রম পরিচালনায় চুক্তিবদ্ধ তাদের আবেদন যোগ্য হিসেবে বিবেচিত হবে না।
৯. দুর্গম/পশ্চাৎপদ এবং দারিদ্র্য মানচিত্র (Poverty Map) অনুযায়ী দারিদ্র্যপীড়িত এলাকার আবেদনকারী যুব সংগঠনকে সকল শর্ত পূরণ সাপেক্ষে অনুদান প্রদানে অগ্রাধিকার দেয়া হবে।
১০. আবেদনকারী যুব সংগঠন রাষ্ট্র বা সমাজ বিরোধী কার্যক্রমের সাথে সম্পৃক্ত নয় মর্মে যাচাই বাছাই ফরমের নির্ধারিত স্থানে উপজেলা যুব উন্নয়ন কর্মকর্তা/ইউনিট থানা যুব উন্নয়ন কর্মকর্তার প্রত্যয়ন থাকতে হবে।
১১. অনলাইন আবেদন ফরমের নির্ধারিত স্থানে-(ক) যুব উন্নয়ন অধিদপ্তরের আওতায় সংগঠনের প্রশিক্ষণপ্রাপ্ত সদস্যদের বিবরণ (বয়স ১৮-৩৫ বছর), (খ) বাস্তবায়িত কার্যক্রম/কর্মসূচির আওতায় আত্মকর্মসংস্থান (গ) প্রশিক্ষণ, ঋণ, অনুদান কিংবা আর্থিক সহায়তা প্রদানের মাধ্যমে দারিদ্র্য বিমোচনে সুযোগ সৃষ্টির তথ্য, (ঘ) উদ্যোক্তা তৈরি সম্পর্কিত চাহিত তথ্যাদি।
১২. যুব সংগঠনের কার্যক্রম যেমন (১) সামাজিক সচেতনতামূলক কার্যক্রম (যেমন-বাল্য বিবাহ প্রতিরোধ, প্রাকৃতিক দুর্যোগ মোকাবেলা, পরিষ্কার পরিচ্ছন্নতা, যৌতুক বিরোধী কার্যক্রম, মাদক বিরোধী কার্যক্রম, জঙ্গি বিরোধী, মশক নিধন কার্যক্রম), (২) যুবদের মূল্যবোধের উৎকর্ষ সাধন সম্পর্কিত কার্যক্রম (যেমন-খেজায় রক্তদান, পাঠাগার পরিচালনা, হতদরিদ্রদের সহায়তা ও শীতবস্ত্র বিতরণ, যুবদের নেতৃত্ব বিকাশ সাধন, বিশেষ চাহিদা সম্পন্নদের স্বাস্থ্য সেবা প্রদান, গর্ভবর্তী মহিলাদের স্বাস্থ্যসেবা প্রদান, মৃত ব্যক্তিদের সংকারের ব্যবস্থা করা), (৩) স্বৈচ্ছাসেবী কার্যসম্পাদন (যেমন-বিভিন্ন জাতীয় ও আন্তর্জাতিক দিবস পালন, নিরক্ষতা দূরীকরণ, প্রশিক্ষণ ও শিক্ষা, স্যানিটেশন কার্যক্রম), (৪) সামাজিক ক্ষেত্রে বিশেষ অবদান (যেমন-যুব উন্নয়ন ও কর্মসংস্থানে অবদান, শিক্ষা, বিজ্ঞান, তথ্য প্রযুক্তি, কারিগরির ক্ষেত্রে অবদান, দেশ প্রেম, বীরত্ব ও সাহসিকতার ক্ষেত্রে অবদান), (৫) জ্যেষ্ঠদের প্রতি আদর্শ সেবা, সমাজকল্যাণে অবদান, সংস্কৃতিতে উল্লেখযোগ্য অবদান বিবেচনায় {প্রতিটি কার্যক্রমের প্রমাণক হিসেবে জেলা/উপজেলা প্রশাসনের কর্মকর্তা অথবা স্থানীয় জনপ্রতিনিধির উপস্থিতির ছবি (ক্যাপশনসহ) সংযুক্ত করতে হবে}।
১৩. উপজেলা পর্যায়ে যুব সংগঠন কর্তৃক অনলাইন আবেদন দাখিল করার পর অধিকতর স্বচ্ছতার লক্ষ্যে উপজেলা যুব উন্নয়ন কর্মকর্তা/মেট্রোপলিটন ইউনিট থানা কর্মকর্তা কর্তৃক ব্যাংক স্টেটমেন্ট, নিবন্ধন সনদ ও চাহিত অন্যান্য তথ্যাদির যাচাই-বাছাইয়ের প্রত্যয়ন থাকতে হবে।
১৪. নীতিমালার শর্তাদি বহির্ভূত প্রকল্প/প্রস্তাবনা/কার্যক্রম অনুদানের যোগ্য হিসেবে বিবেচিত হবে না।
১৫. যুব সংগঠনসমূহকে অনুদান প্রদান সংক্রান্ত সকল কার্যক্রম যুবকল্যাণ তহবিল ব্যবস্থাপনা বোর্ড কর্তৃক সংরক্ষিত।

২। যুব ও ক্রীড়া মন্ত্রণালয়ের ওয়েবসাইট (www.moysports.gov.bd) এর অভ্যন্তরীণ ই-সেবার আওতাভুক্ত যুবকল্যাণ তহবিল অনলাইন অনুদান লিংক অথবা সরাসরি <http://103.48.18.205/Grants/> ব্রাউজ করে নির্ধারিত অনলাইন আবেদন ফরম যথাযথভাবে পূরণপূর্বক তৎসঙ্গে ফিল্ডওয়ারি (অনুচ্ছেদভিত্তিক) চাহিত তথ্যাদি PDF আকারে আপলোড (Upload) করে আগামী ১৪ ডিসেম্বর, ২০২৩ খ্রিষ্টাব্দ (২৯ অগ্রহায়ণ, ১৪৩০ বঙ্গাব্দ) তারিখের মধ্যে দাখিল করতে হবে। নির্ধারিত তারিখের পর অনলাইন আবেদন দাখিল কার্যক্রম স্বয়ংক্রিয়ভাবে বন্ধ হয়ে যাবে।

৩। উল্লেখ্য, অনলাইন আবেদন দাখিলের পদ্ধতিসমূহ অনুসরণ করার জন্য যুব ও ক্রীড়া মন্ত্রণালয় এবং যুব উন্নয়ন অধিদপ্তরের ওয়েবসাইটে প্রকাশিত বিজ্ঞপ্তির নিম্নে দৃশ্যমান রাখা হয়েছে।


২৩/১০/২০২৩
মো: রবিউল ইসলাম
উপসচিব
ফোন : ২২৩৩৮৫১৮৬

অনলাইন আবেদন দাখিলের অনসরণীয় পদ্ধতিসমূহ (যুব সংগঠনের জন্য) :

১. প্রথমে যুব ও ক্রীড়া মন্ত্রণালয়ের ওয়েবসাইট (www.moysports.gov.bd) ওপেন করুন এবং ডান পার্শ্বে অভ্যন্তরীণ ই-সেবার আওতাভুক্ত যুবকল্যাণ তহবিল অনলাইন অনুদান—এ ক্লিক করুন অথবা ওয়েবসাইটে সরাসরি <http://103.48.18.205/Grants/> রাউজ করুন।
২. ২০২২-২০২৩ অর্থবছরের জন্য অনুদানের বিজ্ঞপ্তি প্রদর্শিত হবে।
৩. বিজ্ঞপ্তির উপরের বাম কর্ণারে অনুদানের আবেদন ফরম —এ ক্লিক করুন।
৪. ফরম পূরণের ক্ষেত্রে কিছু নির্দেশনা দেখা যাবে। অন-লাইন আবেদন ফরমের ফিল্ডসমূহ যথাযথভাবে পূরণের জন্য চোখ চিহ্নিত বাটনে ক্লিক করুন এবং এক প্রস্থ আবেদন ফরম প্রিন্ট করে চাহিত/সংযুক্তির জন্য সকল তথ্যাদি/পেপার প্রস্তুত রাখুন। অতঃপর এখন নয়া বাটনে ক্লিক করে বের হয়ে আসতে হবে।
৫. সংযুক্তির জন্য সকল তথ্যাদি প্রস্তুত হলে একইভাবে ওপেন করুন এবং সবুজ লেখা আবেদন ফরম — এ ক্লিক করুন।
৬. সতর্কতার সাথে সকল ফিল্ডগুলো পূরণ করুন এবং ইংরেজিতে ক্যাপচা দিয়ে দেখুন বাটনে ক্লিক করুন।
৭. প্রিন্ট বাটনের উপর ক্লিক করে প্রয়োজনীয় সংখ্যক পূরণকৃত আবেদন প্রিন্ট করে সংরক্ষণ করুন।
৮. যে সকল ফিল্ড ইংরেজিতে পূরণের জন্য বলা হয়েছে তা অবশ্যই ইংরেজিতে পূরণ করুন।
৯. পরবর্তী ধাপে যাবার পূর্বে পূরণকৃত আবেদনের কোন অংশ সংশোধন/পরিবর্ধন/পরিমার্জন করতে হলে এডিট বাটনে ক্লিক করুন এবং চাহিদা মোতাবেক সংশোধন/পরিবর্ধন/পরিমার্জন করুন এবং পুনরায় ইংরেজিতে ক্যাপচা দিন এবং প্রস্তুতকৃত সংযুক্তিসমূহ আপলোড করার জন্য পরবর্তী ধাপ বাটনে ক্লিক করুন।
১০. সংযুক্তিসমূহ আপলোড করার জন্য প্রদর্শিত নির্দেশনাসমূহ ভালভাবে দেখুন।
১১. সংযুক্তিসমূহ PDF আকারে স্ক্যান করে সিরিয়াল অনুযায়ী আপলোড (Upload) করুন এবং প্রতিটি সংযুক্তির আপলোড হওয়ার সাথে সাথে ডান পার্শ্বে OK লেখা দেখা যাবে এবং চোখ চিহ্নিত বাটনে ক্লিক করে দেখে নিন আপলোডটি সঠিক হয়েছে কিনা।
১২. যথাযথভাবে আপলোড না হয়ে থাকলে পুনরায় আপলোড (Upload) করুন এবং সাথে সাথে পূর্বের আপলোড বাতিল হয়ে যাবে।
১৩. চাহিত সকল সংযুক্তি আপলোড করার পর নির্ধারিত স্থানে টিক(✓) চিহ্ন দিন এবং দাখিল করুন বাটনের উপর ক্লিক করুন।
১৪. আবেদনপত্র দাখিল হবার প্রমাণস্বরূপ ট্র্যাকিং নম্বরসহ প্রদর্শিত সনদপত্র প্রিন্ট করে সংরক্ষণ করুন।
১৫. উল্লেখ্য, অন-লাইন আবেদন দাখিল করার পর পরবর্তীতে পরিবর্তন/পরিমার্জন করার কোনরূপ সুযোগ নেই বা দ্বিতীয়বার আবেদন করারও কোন সুযোগ নেই।
১৬. ইলেক্ট্রনিক ফান্ড ট্রান্সফার (EFT)-এর মাধ্যমে অনুদানের অর্থ সংগঠনের সংশ্লিষ্ট ব্যাংক হিসাবে স্থানান্তর করার সন্ধান রয়েছে। তাই অন্যান্য তথ্যাদির পাশাপাশি সংগঠনের সঠিক ব্যাংক হিসাব নম্বর (Account Number) এবং রাউটিং নম্বর (Routing Number) ব্যাংক থেকে জেনে অনলাইন আবেদন ফরমের নির্ধারিত স্থানে সঠিকভাবে লিপিবদ্ধ করার জন্য অনুরোধ করা হলো।

=====0=====

